

OKVIRNI SPORAZUM

„Usluge komunikacija putem fiksne i mobilne telefonije sa pratećom opremom“

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa v.d. Direktor, Sakib Katana dipl.oec.

i

„BH Telecom“ d.d. Sarajevo, ul. Franca Lehara br. 7 (u daljem tekstu Dobavljač), kojeg zastupa Sedin Kahrman, v.d. generalni direktor.

PREDMET UGOVORA

Član 1.

Predmet ovog okvirnog sporazuma je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem otvorenog postupka za nabavku „**Usluge komunikacija putem fiksne i mobilne telefonije sa pratećom opremom-ponovljeni postupak**“, objavljenom u listu "Službeni glasnik BiH", broj 45/19 od 05.07.2019. godine, a u skladu sa Odlukom o izboru najpovoljnije ponude broj: 03-12-DŽ.K.-24206-OI/19 od 09.09.2019. godine, ponudom Dobavljača broj: 08-38-78101/19-01, tenderskom dokumentacijom broj: 03-12-DŽ.K.-24206-OP-PP/19.

PREDMET NABAVKE

Član 2.

Ugovorena nabavka „**Usluge komunikacija putem fiksne i mobilne telefonije sa pratećom opremom-ponovljeni postupak**“ koje moraju da zadovoljavaju tehničke karakteristike i količine kako slijedi u tabelama:

Količine i tip za fiksnu telefoniju (POTS i ISDN):

R.br.	Tip	Količina
1.	Pretplata za fiksni POTS priključak	30
2.	Pretplata za ISDN BRA standard	16
3.	Pozivi prema svim fiksnim mrežama u BiH (min/mjesečno)	9.000
4.	Pozivi prema mobilnoj mreži EroNet (min/mjesečno)	1.000
5.	Pozivi prema mobilnoj mreži mTel (min/mjesečno)	1.000
6.	Pozivi prema mobilnoj mreži BH Telecom (min/mjesečno)	6.000
7.	Pozivi prema mobilnim brojevima ugovornog organa (min/mjesečno)	3.000



Tražene količine i tip za mobilnu telefoniju:

R.br.	Tip	Količina
1.	Pretplata za mobilni priključak	27
2.	Pozivi prema mobilnoj mreži EroNet (min/mjesečno)	300
3.	Pozivi prema mobilnoj mreži mTel (min/mjesečno)	300
4.	Pozivi prema mobilnoj mreži BH Telecom (min/mjesečno)	6.000
5.	SMS poruke prema svim mobilnim mrežama u BiH	800
6.	SMS poruke prema svim mobilnim mrežama izvan BiH	100
7.	Pozivi prema fiksnim brojevima ugovornog organa (min/mjesečno)	2.000

OBAVEZE UGOVORNIH STRANA

Član 3.

Dobavljač se obavezuje isporučiti/vršiti uslugu koja je predmet ovog okvirnog sporazuma, koja kvalitetom u svemu odgovara karakteristikama preciziranim u tenderskoj dokumentaciji broj 03-12-DŽ.K.-24206-OP-PP/19, na način i u rokovima regulisanim ovim ugovorom i ponudom Dobavljača.

Član 4.

Ugovorni organ se obavezuje da nakon isporučene/izvršene pojedinačne mjesečne usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim tenderskom dokumentacijom broj 03-12-DŽ.K.-24206-OP-PP/19, ponudom Dobavljača i ovim okvirnim sporazumom.

Član 5.

Cijene usluga koje su predmet ovog okvirnog sporazuma će biti fakturisane na osnovu cijena iz sljedeće tabele:

Redni broj	Opis usluge	Količina (A)	Jedinična cijena bez PDV-a (B)	Ukupna mjesečna cijena bez PDV-a (C = A x B)	Ukupna cijena bez PDV-a za 24 mjeseca (D = C x 24)
Tip i količine za fiksnu telefoniju (POTS i ISDN)					
1.	Pretplata za fiksni POTS priključak	30	15,41	462,30	11.095,20
2.	Pretplata za ISDN BRA standard	16	17,42	278,72	6.689,28
3.	Pozivi prema svim fiksnim mrežama u BiH (min/mjesečno)	9.000	0,042	378,00	9.072,00
4.	Pozivi prema mobilnoj mreži EroNet (min/mjesečno)	1.000	0,215	215,00	5.160,00



5.	Pozivi prema mobilnoj mreži mTel (min/mjesečno)	1.000	0,215	215,00	5.160,00
6.	Pozivi prema mobilnoj mreži BH Telecom (min/mjesečno)	6.000	0,17	1.020,00	24.480,00
7.	Pozivi prema mobilnim brojevima ugovornog organa (min/mjesečno)	3.000	0,0001	0,30	7,20
Tip i količine za za mobilnu telefoniju					
R.br.	Tip	Količina			
1.	Pretplata za mobilni priključak	27	9,40	253,80	6.091,20
2.	Pozivi prema mobilnoj mreži EroNet (min/mjesečno)	300	0,20	60,00	1.440,00
3.	Pozivi prema mobilnoj mreži mTel (min/mjesečno)	300	0,20	60,00	1.440,00
4.	Pozivi prema mobilnoj mreži BH Telecom (min/mjesečno)	6.000	0,17	1.020,00	24.480,00
5.	SMS poruke prema svim mobilnim mrežama u BiH	800	0,06	48,00	1.152,00
6.	SMS poruke prema svim mobilnim mrežama izvan BiH	100	0,14	14,00	336,00
7.	Pozivi prema fiksnim brojevima ugovornog organa (min/mjesečno)	2.000	0,0001	0,20	4,80
Ukupna cijena bez PDV-a					96.607,68
Popust					5.102,40
Ukupna cijena sa popustom bez PDV-a					91.505,28
PDV na cijenu ponude (sa uračunatim popustom)					15.555,90
Ukupna cijena za ugovor					107.061,18
Slovima:					

Količine navedene u ovoj tabeli i u članu 2. ovog okvirnog sporazuma su okvirne i zavisit će o raspoloživim sredstvima i potrebama Ugovornog organa.

Ugovorni organ se ne obavezuje da će količine iz Obrasca za cijenu ponude i iz člana 2. i 5. ovog okvirnog sporazuma biti realizirane u potpunosti.



Član 6.

Cijenu iz člana 5. ovog okvirnog sporazuma Ugovorni organ će isplatiti na osnovu dostavljene ispravne mjesečne fakture sa detaljnim i sumarnim izvještajem po svim korištenim brojevima i uslugama za dati obračunski period (količine iskorištenih usluga) u roku do 60 dana.

ISPORUKA USLUGE

Član 7.

Dobavljač će početi sa kontinuiranom isporukom predmetne usluge sa danom potpisivanja ugovora odnosno po dostavljanju narudžbenice od strane Ugovornog organa dok predviđeno vrijeme za aktiviranje usluge nije duže od 15 dana.

Član 8.

Dobavljač ima pravo na produženje ugovorenog roka ako je u isporuci/vršanju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 9.

Ako Dobavljač zakasni sa isporukom usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

U slučaju neurednog izvršavanja ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo zaračunati penale za predmetni period na način da za svaku radnju ili propuštanje dužne radnje od strane Dobavljača u ovom smislu iznos ispostavljene fakture umanjuje za 20% za mjesec u kojem nije vršena usluga.

PRESTANAK OKVIRNOG SPORAZUMA

Član 10.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, a najkasnije po proteku 2 (dvije) godine od dana zaključenja ugovora.

Količine navedene u ovoj tabeli člana 2. i 5. ovog okvirnog sporazuma su okvirne i zavisit će o raspoloživim sredstvima i potrebama Ugovornog organa.

Ugovorni organ se ne obavezuje da će količine iz Obrasca za cijenu ponude i iz člana 2. i 5. ovog okvirnog sporazuma biti realizirane u potpunosti.



Član 11.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvrši ugovorenu obavezu u pogledu kvaliteta,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u isporuci usluge koja je predmet ugovora takvo da može dovesti u pitanje izvršenje ugovora.

Zbog zaostajanja u isporuci usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Član 12.

Ugovorni organ će raskinuti ugovor sa Dobavljačem ukoliko se ustanovi da ponuđena usluga koja je zadovoljila zahtjeve u ponudi, nije jednaka isporučenoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 13.

Dobavljač se obavezuje dostaviti Ugovornom organu garanciju za dobro izvršenje ugovora u vidu bezuslovne originalne bankarske garancije prvoklasne poslovne banke, u roku od petnaest (15) dana od dana obostranog potpisivanja ugovora.

Iznos garantnog depozita će biti plativ Ugovornom organu kao kompenzacija za bilo koji gubitak koji bi bio prouzrokovan ako Dobavljač ne uspije da izvrši svoje obaveze po ovom ugovoru.

Visina garantnog depozita je 10 (deset) % od ugovorene vrijednosti i biće iskazana u valuti ugovora ili u konvertibilnoj valuti prihvatljivoj od strane Ugovornog organa, sa rokom važnosti, vrijeme trajanja ugovora plus 60 (šezdeset) dana.

Ako Dobavljač ne dostavi garanciju za dobro izvršenje ugovora u roku iz stava 1. ovog člana, ugovor se smatra apsolutno ništavim.

Član 14.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje spora obratiti stvarno nadležnom sudu u Sarajevu.

Član 15.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

Član 16.

Ponudač kojem je dodijeljen Ugovor nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 17.

Sastavni dio ovog ugovora su:

- Tenderska dokumentacija broj: 03-12-DŽ.K.-24206-OP-PP/19
- Odluka o izboru broj: 03-12-Dž.K.-24206-OI/19 od 09.09.2019. godine
- Prihvaćena ponuda Dobavljača broj: 08-38-78101/19-01

Član 18.

Ovaj okvirni sporazum zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

DOBAVLJAC
BH TELECOM D.D. SARAJEVO
Sedin Kahrirman
Općinski direktor

Ugovorni organ
ZAVOD ZDRAVSTVENOG OSIGURANJA
KANTONA SARAJEVO
Sakib Katana dipl.oec.
v.d. Direktor

Broj: 01-19-1959/19
Datum: 09-10-2019

Broj: 03-12-Dž.K.-24206-UG/19
Datum: 30.09.2019. godine